

**AGINDUA, 2015eko ekainaren 9koa, Osasuneko sailburuarena, 2015. urtean hastekoak diren osasun-
arloko ikerketa-proiektuei laguntzak emateko deialdia egiteko dena.**

Interneteko helbidea: <https://www.euskadi.eus/r48-bopv2/eu/bopv2/datos/2015/06/1502831e.pdf>

DIRU-LAGUNTZAK JASO DITZAKETEN PROIEKTUEK BETE BEHARREKO BALDINTZAK (6.ART.)

Ikerketa-proiektuek zentro anitzekoak behar dute izan. Zentro anitzekoak izango dira agindu honetako 3. artikuluko deskribapenaren arabera bi erakunde edo gehiagok parte hartzen badute, eta horietako bi behintzat euskal osasun sistemakoak badira. Biocruces eta Biodonostia osasun ikerketa institutuak euskal osasun sistemako zentrotzat hartzen dira

Ikerketa-proiektuak urte bat eta hiru urte arteko denbora-tartean gauzatu ahal izango dira. Gauzatzeko epea, laguntzak emateko ebazpena EHAAn argitaratu eta hurrengo egunean hasiko da zenbatzen.

IKERKETA-TALDEAREN ESKARIZUNAK (7.ART.)

- Proiektua egiteko eskaera egin duen zentroarekin funtzionario-, estatutu- edo kontratu-lotura gauzatua izatea, gutxienez eskabidea aurkeztu den unetik emakida-ebazpena eman arteko aldian.
- Osasun-prestakuntza espezializatuko programarik egiten ez aritzea.
- Deialdi honetako proiektu baten ikertzaile nagusi gisa parte hartu ahal izango dute, baldin eta martxan diren proiektuetan (2013 eta 2014an hasteko ziren Osasun Saileko ikerketa-proiektuen deialdietako proiektuetan) ikertzaile nagusi gisa ageri ez badira. Osasun Saileko osasun-arloko ikerketa-proiektuen deialdietako (2013, 2014 eta 2015ean hastekoak) ikerketa-proiektu bakarrean parte hartu ahal izango dute laguntzaile gisa.
- Proiektu koordinatuetan, azpiproiektuetako ikertzaile nagusietako batek jardungo du koordinatzaile-lanetan.

Ikertzaile-taldeko gainerako kideek hurrengo hauek bete beharko dituzte:

- Osasun Saileko osasun-arloko ikerketa-proiektuen deialdietako (2013, 2014 eta 2015ean hastekoak) bi ikerketa-proiektutan parte hartu ahal izango dute gehienez ere.
- Ondorio horietarako, ez dira ikertzaile-taldeko kideetat hartuko ikerketan laguntzeko unitate batekoak izanda aholkularitzako zereginak bakarrik egiten dituztenak.

Artikulu honetan ezarritako betekizunetako bat ez bada betetzen, eskatutako laguntza ukatuko da.

DIRUZ LAGUNDU DAITEZKEEN GASTUAK (8.ART.)

Egoera bakoitzean ematen den laguntzaren bidez, ondoren adierazten diren gastuak ordainduko dira. Gastu horiek guztiek zuzeneko lotura izan behar dute proiektua gauzatzearekin, eta alde zuzenetik zehaztuta egon behar dute eskabidearen memorian.

1. Langile-gastuak. Teknikariak kontratatzea. Proiektua gauzatzeko beharrezko diren langileak. Kontrataziorako gehieneko zenbatekoak honako hauek izango dira: urtean 40.000 euro, kontratatua doktorea bada; urtean 33.000 euro, goi-mailako tituluduna bada; 26.000 euro, erdi-mailako tituluduna bada; eta 21.000 euro, Lanbide Heziketako teknikaria bada.
2. Ondasunak eskuratzeko eta zerbitzuak kontratatzeako gastuak.
 - Material inbentariagarria. Espresuki kanpoan uzten dira altzariak eta instalazioak, baita kudeaketara ekipamendu informatikoak ere.
 - Material suntsigarria eta gastu osagarriak ere sartzen dira, material bibliografikoa eta proiektuen emaitzak hedatu eta transferitzeak dakartzan gastuak (argitalpenak, etab.). Proiektua gauzatzeko beharrezkoa den heinean eta behar bezala justifikatzen bada, ez da mugarik egongo partida honetan. Bulegoko material orokorra ez da diruz lagunduko (fotokopiak, tonerra, telefono-gastuak, eta abar).
 - Proiektua garatzeko kanpoko zerbitzuak kontratatzea aurreikusita egonez gero, eskaeraren memorian aipatu beharko da, honako hauek zehaztuta: zerbitzuaren nolakotasuna eta kontratuaren kostua.
3. Bidaia eta joan-etorri gastuak. Kanpo-lanak, koordinazio-bilerek eta kongresuek, hitzaldiek eta halakoek eragindakoak, baldin eta proiektuarekin zuzenean lotuta badaude.

Ikertzaile-taldeko kideek –prestakuntza sanitario espezializatuan dauden lizentziatuek barne– ez dute inolako ordainsaririk jasoko proiektuaren kontura.

ESKAERAK AURKEZTEKO IZAPIDEA (9.ART.)

Eskabideak egiteko, Osasun Sailaren aplikazio informatikoa erabili ahal izango da, edo paper formatuan aurkeztu.

- **Tramitazio elektronikoa:**

<http://www.osakidetza.euskadi.eus/r85->

pkproc01/eu/contenidos/ayuda_subvencion/proyectos_investigacion_2015/eu_def/index.shtml

Erabiltzailea eta pasahitza sartu. Datu horiek ez baduzu, eska dezakezu hurrengo posta elektronikoaren bidez: investigacion-san@euskadi.eus

- **Paper formatuko tramitazioa:**

Paper-formatuko eskabideak agindu honen II. eranskinean ageri den inprimaki normalizatuaren bidez gauzatu dira, eta proiektuaren ikertzaile nagusiak eta zentro eskatzailearen legezko ordezkariak sinatuko dituzte. Era berean, probaldian dauden ikertzaile-taldeko gainerako kideek ere sinatu beharko dituzte, parte hartzea onartzen dutela adierazteko.

ESKABIDEAREKIN BATERA AURKEZTU BEHARREKO AGIRIAK.

- a) Ikerketa-proiektuaren memoria, araututako ereduari jarraituz (III. eranskina). Memoria horretan material inbentariagarri edo suntsikorrerako eskatutako zenbatekoak dokumentatzeko, gutxienez, bi aurrekontu erabiliko dira, eta bi aurrekontuak ezingo dira izan hornitzaile berberak egindakoak. Material horren aleko prezioak 6.000 eurotik gorakoa izan behar du. Baldintza hori ez bada betetzen, c) idatzi-zatian –balorazio zientifiko-teknikoan– lortutako puntuazioari % 50 kenduko zaio.
- b) Ikerketa-taldeko kide bakoitzaren curriculum, araututako ereduari jarraituz (IV. eranskina).
- c) Proiektua zentro eskatzailea ez den beste zentro batean gauzatzekoa bada, proiektua non gauzatuko den, zentro horrexen legezko ordezkariaren idazkia aurkeztuko du zentro eskatzaileak. Idazki horren bidez, proiektua gauzatzeko baimena emango da (V. eranskina).
- d) Etika-batzorde eskudunak emandako baimena, hala badagokio, eta ikerketa-arloko arauak eta hitzarmenak betetzen direla zaintzen duten kide anitzeko beste organo batzuek emandakoa. Edonola ere, dagokion kide anitzeko organoko lehendakariak edo idazkaritzak emango du baimen hori, eta, bertan, akordioa adostu zen bileraren aktaren erreferentzia jasoko da.
- e) Proiektuak giza jatorriko lagin biologikoak behar baditu, Euskal Biobankuaren ziurtagiria eskatu beharko da, eta horrela jasoko da.
- f) I+G-ko zentro pribatuek erakundearen estatutuak aurkeztu beharko dituzte (betiere, aurreko deialdiren batean bidali ez badituzte), eta horietan adieraziko dute zer helburu duten, I+G ekintzetan nolako gaitasuna edo jarduerak egiaztatu dituzten, nolako lotura dagoen erakundearen eta ikertzaile nagusiaren artean, eta lotura hori noiz hasi eta noiz bukatuko den.
- g) Proiektua gauzatuko duen zentroko ikerketa-batzordearen edo pareko figuraren txostena; bertan, ikerketa-proiektua bere osotasunean bideragarria dela adierazi beharko da.
- h) Proiektuen ebaluazioari begira, eta ikerketa-proiektuaren emaitzak sektore produktiboan txertatzeko aukera balioeste aldera, hala badagokio, emaitza horietan interesa erakutsi duten enpresek izenpetutako idazkia aurkeztu dezake ikerketa-taldeak. Taldearen eta enpresaren artean lankidetzak-akordiorik egonez gero, horren kopia ere aurkez daiteke.

BARNE PROZEDURA

Eskabideak aurkezteko epea: 26/06/2015 - 26/08/2015

Ikertzaileen zein Errektoreordearen sinadura originalak lortzeko abuztua hilabete konplikatu izango dela kontuan izanda, komenigarria iruditzen zaigu deialdiaren kudeaketa uztailean aurreratzea.

Hori dela eta, ondoko epeak proposatzen ditugu:

- Proposatutako ikertzaileen zerrenda duen I Eranskina bidali igz.deialdiak@ehu.eus. **Azken eguna: 2015eko abuztuaren 10a** (UFI Teknikaria izanez gero berarekin harremanetan jarri eta anexoa bidali berrikusketa egiteko)
- Posta elektronikoz igz.deialdiak@ehu.eus helbidera aurreko atalean aipatutako agiriak bidali, alegia, a – h bere kasuan, Errektoreordearen baimena lortze aldera. **Azken eguna: 2015eko abuztuaren 17a**
- UPV/EHUko Erregistroa ez da baliogarria kasu honetan. Hortaz, ordezkari legalaren sinadura lortze aldera, eskaera paperean bidali beharko da Ikerketaren Arloko Errektoreordetzara ikertzaile nagusi zein ikertaldeko kideen sinadura originalekin **2015eko abuztuaren 17a** baino lehen. Eskabidea, eskatzen diren gainontzeko agiriekin batera (d-h atalak) zuzenean igorriko da Eusko Jaurlaritzara Ikerketaren Arloko Errektoreordetzatik.

Egun horretatik aurrera, ikertzaile nagusiak berak izango du eskabidea epe barruan aurkezteko ardura.

INFORMAZIO GEHIAGO:

Eskabidea betetzeko, erakundearen (UPV/EHU) datu hauek eskatzen dira:

IFK: Q-48/18001-B

Helbide soziala: Sarriena auzoa, zk.g. 48940(Leioa)

Legezko ordezkaria: Fernando Plazaola Muguruza

Kargua: Ikerketako errektoreordea

Harremanetarako eta eskabideak bidaltzeko pertsona:

Harremanetarako:

- **UPV/EHUrekin harremanetan jartzeko:**
Ikerketaren arloko Errektoreordetza
Tel.: 94 601 80 08
- **Eusko Jaurlaritzarekin harremanetan jartzeko:**
EAEtik: 012
EAE kanpotik: 945 018000
Atzeritik: 00 34 945 018000